

2014ko bigarren hiruhilekoan 2.114 ezkontza izan ziren Euskal AEn, aurreko urtean baino %6,4 gutxiago

Ezkontza zibilen portzentajea (%77,7) ehuneko 3,1 puntuz handiagoa aurreko urtean (%74,6) baino

2014ko bigarren hiruhilekoan, Euskal AEn 2.114 ezkontza izan ziren, iazko aldi berean baino %6,4 gutxiago, Eustaten datuen arabera. Bizkaian 1.033 ezkontza (%-7,4); Gipuzkoan 715 (%-8,6); Araban 314 (%+0,3). 52 bikotek bizilekua Euskal AEtik kanpo kokatu zuten.

Ezkontzen %77,7, zibilak; 2013ko aldi berean baino ehuneko 3,1 puntu gehiago. Proportzio hori 2014ko lehen hiruhilekoa (%92,6) baino txikiagoa da. Bigarren hiruhileko horretan dezente hazi zen ezkontza kopurua, batez ere maiatz eta ekainean; aurreko hiruhilekoan ez bezala, neguko hiletan ezkontza gutxi izaten baita.

2014ko bigarren hiruhileko 2.114 ezkontzetan, bizilekua Euskal AEn duten 2.043 gizonetzko eta 2.071 emakumezko ezkondu ziren. 1.819 senarrentzat (%89), lehen ezkontza; 7 alargun eta 217 dibortziatu berriro ezkondu ziren. Emakumeen lehen ezkontzen ehunekoa gizonenaren antzekoa izan zen: aurretik ezkondu gabeko emakumeak, 1.844 (%89); alargunak, 8; dibortziatuak, 219.

Mantendu egin zen gero eta nagusiago ezkontzeko joera

Senarren %88,8k 30 urtetik gora zituzten, emazteen %76,5ek. Proportzio horiek 2013ko hiruhileko berean izandakoak (%87,1 eta %75,7) baino handiagoak dira; hiruhileko horretan ere eutsi egin zaio gero eta nagusiago ezkontzeko joerari.

2014ko 2. hiruhilekoan gizon ezkonberrien %5,5 eta emakume ezkonberrien %8 atzerritarrak ziren.


Aurreko urteko hiruhileko beraren aldean, %+0,1 gizonen artean eta %-0,3 emakumeen artean.

Sexu bereko pertsonen artean, 33 ezkontza; urtebete lehenago, 26.

	2014ko 2. hiruhilekoa		Aurreko hiruhilekoa (2014ko 1. hiruhilekoa)		Aurreko urteko hiruh. bera (2013ko 2. hiruhilekoa)	
	kop.	%	kop.	%	kop.	%
EZKONTZAK	2.114	100,0	929	100,0	2.258	100,0
Kanonikoak	471	22,3	69	7,4	573	25,4
Zibilak	1.643	77,7	860	92,6	1.685	74,6
SENARGAIK	2.043	100,0	902	100,0	2.197	100,0
Ezkongabeak	1.819	89,0	752	83,4	1.954	88,9
Alargunak	7	0,3	8	0,9	13	0,6
Dibortziatuak	217	10,6	142	15,7	230	10,5
EMAZTEGAIK	2.071	100,0	894	100,0	2.205	100,0
Ezkongabeak	1.844	89,0	761	85,1	1.984	90,0
Alargunak	8	0,4	5	0,6	11	0,5
Dibortziatuak	219	10,6	128	14,3	210	9,5

Iturria: Eustat. Euskal AEko Ezkontzen Estatistika

Bizilekua Euskal AEn dutenen ezkontzak. Hileko datuak



Informazio gehiago:

Eustat - Euskal Estatistika Erakundea / Instituto Vasco de Estadística
 Donostia-San Sebastián, 1. 01010 Vitoria-Gasteiz
 Prentsa zerbitzua: servicioprensa@eustat.es Tel.: 945 01 75 62
 Euskal AEko EZKONTZEN ESTATISTIKARI buruzko prentsa-ohar gehiago
 Euskal AEko EZKONTZEN ESTATISTIKARI buruzko datu-bankua